

## Blachi di instruccion 1 Cas di cuki



Ta pertenece na actividad 1.2

### Bo yiu ta siña:

- Reconoce di ki material cu cas ta traha.
- E partinan di un cas.

### Bo tin mester lo siguiente:

- Cuki, diferente sorto y size di mangel (Engelse drop, spek, etcetera).
- Sucu di blancha bolo y cuashi chikito.

### Kico bo ta haci cu bo yiu:

#### STAP 1. BO CAS

Wak hunto cu bo yiu di ki material boso cas ta traha.

Wak e murayanan, portanan, bentananan, e dak, vloer, blafon y splica bo yiu con yama e material cu cu cua a traha nan y pakico a uza e materialnan ey. Por ehempel:

- Glas pasobra e ta transparente.
- Piedra pasobra e ta fuerte, etcetera.

#### STAP 2. MATERIAL DI CONSTRUCCION

Busca material di construccion hunto cu bo yiu. Por pensa riba un pida panchi di dak, un tegel, un pida plao, santo, etcetera.

Laga bo yiu hiba nan scol.

#### STAP 3. CAS DI CUKI

Traha hunto cu bo yiu un cas di cuki of drigidek (2D of 3D).

Pega e murayanan di cuki (of slice di drigidek) na otro cu sucu pa blancha bolo y pega mangel riba e cukinan of slicenan.

Corda bo yiu cu un cas tin dak, muraya y porta. Saca un potret di e resultado final y mand'e pa juffrouw of meneer prome cu boso come e cas.

